

Na osnovu člana 16. stav 4. Zakona o Vladi Zeničko-dobojskog kantona (Prečišćeni tekst) ("Službene novine Zeničko-dobojskog kantona", broj 07/10), a u vezi sa članovima 37. stav (3), 45. stav (1) i 54. Zakona o izvršavanju Budžeta Zeničko-dobojskog kantona za 2016. godinu ("Službene novine Zeničko-dobojskog kantona", broj: 2/16), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 49. sjednici održanoj 29.03.2016. godine, d o n o s i

ZAKLJUČAK

**o usvajanju Programa utroška sredstava za uređenje poljoprivrednog zemljišta u 2016. godini, u razdjelu 23, budžetska organizacija 01, potrošačka jedinica 0001, ekonomski kod 614 400 NAD 404 , pozicija „Finansiranje projekata iz sredstava za pretvaranje poljoprivrednog zemljišta u nepoljoprivredno zemljište“
Budžeta Zeničko-dobojskog kantona za 2016. godinu**

I.

Usvaja se Program utroška sredstava za uređenje poljoprivrednog zemljišta u 2016. godini, u razdjelu 23, budžetska organizacija 01, potrošačka jedinica 0001 Budžeta Zeničko-dobojskog kantona za 2016. godinu ("Službene novine Zeničko-dobojskog kantona", broj: 2/16), ekonomski kod 614 400 NAD 404, pozicija „Finansiranje projekata iz sredstava za pretvaranje poljoprivredno zemljišta u nepoljoprivredno zemljište“ u iznosu od 998.746,00 KM (slovima:devetstotina-devedesetosamhiljadasedamstočetrest šest konvertibilnih maraka) i čini sastavni dio ovog zaključka.

II.

Sredstva planirana ovim Programom utroška sredstava za uređenje poljoprivrednog zemljišta, realizovat će se u skladu sa stanjem na depozitnom računu Zeničko-dobojskog kantona broj: 1340100000001672, vrsta prihoda 722422.

III.

Za realizaciju ovog zaključka zadužuju se Ministarstvo za poljoprivredu, šumarstvo i vodoprivredu i Ministarstvo finansija, svako u okviru svojih nadležnosti.

IV.

Zaključak stupa na snagu danom donošenja.

Broj: 02-_____/16.

Datum, 29.03.2016. godine

Z e n i c a

**PREMIJER
PO OVLAŠTENJU**

Himzo Smajić

DOSTAVLJENO:

1x Ministarstvu za poljoprivredu, šumarstvo i vodoprivredu,

1x Ministarstvu finansija,

1x a/a.



**BOSNA I HERCEGOVINA
FEDERACIJA BOSNE I HERCEGOVINE**

ZENIČKO-DOBOJSKI KANTON

**MINISTARSTVO ZA POLJOPRIVREDU,
ŠUMARSTVO I VODOPRIVREDU**

***PROGRAM
utroška sredstava za uređenje poljoprivrednog
zemljišta u 2016. godinu***

Zenica, mart 2016. godine

PROGRAM

Utroška sredstava za uređenje poljoprivrednog zemljišta za 2016. godinu

Podaci o Programu

- | | |
|--|---|
| 1. Program je usvojen: | Na 49. sjednici Vlade Zeničko-dobojskog kantona održanoj dana 29.03.2016. godine |
| 2. Period realizacije Programa: | 2016. godina |
| 3. Ukupna vrijednost Programa: | 998.746,00 KM |
| 4. Namjena i svrha Programa: | Uređenje poljoprivrednog zemljišta s ciljem povećanja plodnosti zemljišta primjenom mjera kojima se provodi poboljšanje fizičkih, hemijskih i bioloških osobina poljoprivrednog zemljišta. Povećanje proizvodne sposobnosti i unapređenje gospodarenja poljoprivrednim zemljištem. |
| 5. Korisnici Programa: | Fizička i pravna lica čije se prebivalište ili sjedište i zemljište nalaze na području Zeničko-dobojskog kantona. |
| 6. Izvori sredstava: | Namjenska sredstva u Budžetu Zeničko-dobojskog Kantona za 2016. godinu stavka Finansiranje projekata iz sredstava za pretvaranje poljoprivrednog zemljišta u nepoljoprivredno zemljište, a koja se nalaze u razdjelu 23, budžetska organizacija 01, potrošačka jedinica 0001, ekonomski kod 614400, NAD 404. Na osnovu Zakona o izvršavanju Budžeta Zeničko-dobojskog kantona za 2016. godinu („Službene novine Zeničko-dobojskog kantona“, broj: 02/16). |
| 7. Odgovorna osoba: | Ministar Himzo Smajić |

I. U V O D

Svakodnevno se iz poljoprivrede oduzimaju hektari obradivog poljoprivrednog zemljišta za izgradnju naselja, industrijskih objekata, saobraćajnica, eksploataciju mineralnih sirovina ili izvođenje drugih radova kojima se trajno onemogućava upotreba tog zemljišta za poljoprivrednu proizvodnju.

Zakonom o poljoprivrednom zemljištu (*"Službene novine Federacije BiH"*, broj: 52/09) utvrđuju se definicije, osnovna načela i upravljanje, zaštita, korištenje i uređenje, raspolaganje, evidencije i ostala pitanja koja se odnose na poljoprivredno zemljište. Poljoprivredno zemljište Zakon definiše kao prirodno bogastvo i dobro od općeg interesa koje uživa posebnu zaštitu i koristi se za poljoprivrednu proizvodnju i ne može se koristiti za druge svrhe osim u slučajevima i pod uvjetima utvrđenim ovim Zakonom. Promjena namjene poljoprivrednog zemljišta provode se u skladu sa planovima prostornog uređenja i aktima određenih citiranim Zakonom. Poljoprivredno zemljište može se početi koristiti u nepoljoprivredne svrhe samo uz saglasnost kantonalnog ministarstva i nakon uplate naknade propisane Zakonom o poljoprivrednom zemljištu.

II. IZVOR SREDSTAVA ZA REALIZACIJU PROGRAMA

Ministarstvo za poljoprivredu, šumarstvo i vodoprivredu Zeničko-dobojskog kantona ostvaruje provođenje važećeg Zakona o poljoprivrednom zemljištu na način da u postupku legalne gradnje kao nadležan organ, izdaje poljoprivrednu saglasnost za promjenu namjene poljoprivrednog zemljišta kojom određuje visinu naknade. Propisana naknada uplaćuje se na poseban račun utvrđen za ove namjene, depozitni račun Zeničko-dobojskog kantona broj: 1340100000001672, vrsta prihoda 722422.

Budžetom Zeničko-dobojskog kantona za 2016. godinu (*"Službene novine Zeničko-dobojskog kantona"*, broj:02/16), ekonomski kod: 614400, NAD 404, pozicija: finansiranje projekata iz sredstava za pretvaranje poljoprivrednog zemljišta u nepoljoprivredno zemljište planiran je utrošak sredstava za uređenje poljoprivrednog zemljišta u iznosu od 1.000.000,00 KM.

Ministarstvo finansija Zeničko-dobojskog kantona kao nadležni organ, vodi evidenciju pojedinačnih platnih naloga za ovu vrstu prihoda, izvještava Ministarstvo za poljoprivredu, šumarstvo i vodoprivredu Zeničko-dobojskog kantona o naplaćenim naknadama za korištenje poljoprivrednog zemljišta u nepoljoprivredne svrhe o mjesečnom i ukupnom prilivu sredstava u tekućoj godini, a na kraju godine dostavlja izvještaj o ukupnom stanju na računu. Ministarstvo za poljoprivredu, šumarstvo i vodoprivredu Zeničko-dobojskog kantona na osnovu dostavljenih podataka vodi evidenciju o realizaciji naplate naknade po izdatim saglasnostima za promjenu namjene poljoprivrednog zemljišta.

Shodno prilivu sredstava Ministarstvo za poljoprivredu, šumarstvo i vodoprivredu Zeničko-dobojskog kantona planira korištenje istih za provođenje mjera uređenja poljoprivrednog zemljišta s ciljem povećanja plodnosti i proizvodne sposobnosti poljoprivrednog zemljišta, primjenom mjera kojima se obavlja poboljšanje fizičkih, hemijskih i bioloških osobina poljoprivrednog zemljišta.

Članom 7. Odluke o korištenju sredstava prikupljenih od naknada za promjenu namjene poljoprivrednog zemljišta („*Službene novine Zeničko-dobojskog kantona*“, broj: 05/15) propisano je da su korisnici sredstava uređenja dužni izvršiti uplatu za rad komisije koja vrši ocjenu uređenja poljoprivrednog zemljišta, ista se uplaćuju na depozitni račun Zeničko-dobojskog kantona broj: 1340100000001672, vrsta prihoda 722631.

Namjena ovih sredstava je plaćanje stručnih komisija u ocjeni uređenja poljoprivrednog zemljišta, što se realizira u skladu sa Uredbom o sastavu komisija i naknadama članova komisija u okviru kantonalnih organa uprave i općinskih službi za upravu u upravnom postupku (Prečišćen tekst) („*Službene novine Zeničko-dobojskog kantona*“, broj: 06/04). Preko 50% ovih sredstava je prihod koji ide u Budžet Kantona.

III. NAMJENA SREDSTAVA

Zakon o poljoprivrednom zemljištu ("*Službene novine Federacije BiH*", broj: 52/09) regulirao je da se sredstva od naknada koriste u slijedeće svrhe:

1. Izradu osnova, programa i projekta zaštite, korištenja i uređenja poljoprivrednog zemljišta;
2. provođenje mjera zaštite, korištenja i uređenja poljoprivrednog zemljišta;
3. uspostava informacionog sistema za zemljište;
4. zemljišni monitoring;
5. izradu karte upotrebne vrijednosti zemljišta;
6. izradu projekata višenamjenskog vrednovanja;
7. realizaciju poslova utvrđenih Strategijom i Programom gospodarenja;
8. dekontaminaciju zemljišta i podizanje zaštitnih pojaseva u neposrednoj blizini putnih komunikacija.

Korištenje sredstava za provođenje mjera zaštite, korištenja i uređenja poljoprivrednog zemljišta uređeno je Odlukom o korištenju sredstava prikupljenih od naknada za promjenu namjene poljoprivrednog zemljišta („*Službene novine Zeničko-dobojskog kantona*“, broj 05/15). Sredstva će se odobravati za agrotehničke i hidrotehničke mjere na poljoprivrednom zemljištu kojima će se poboljšati fizičke, hemijske i biološke osobine uređenom poljoprivrednom zemljištu.

Uređeno poljoprivredno zemljište po ovom Programu u narednih 10 (deset) godina, mora se koristiti jedino kao poljoprivredno i ne može mu se promijeniti namjena iz poljoprivrednog u nepoljoprivredno zemljište.

Osim Zakonom utvrđene namjene utroška sredstava, svrha ovog Programa je da se nastave započeti i otvore novi procesi u poticanju razvoja poljoprivredne proizvodnje na području Zeničko-dobojskog kantona.

Ulaganjem u uređenje poljoprivrednog zemljišta potičemo:

- očuvanje poljoprivrednog zemljišta od promjene namjene u narednih 10 godina;
- namjensko korištenje poljoprivrednog zemljišta;
- povećanje površina obradivog poljoprivrednog zemljišta;
- smanjenje površina neobradivog poljoprivrednog zemljišta;

- smanjenje površina i uređenje zapuštenog poljoprivrednog zemljišta, koje je zakorovljeno i obraslo samoniklim i šumskim rastinjem;
- poboljšanje strukture zemljišta, fizičkih, hemijskih i bioloških osobina zemljišta;
- sprečavanje erozija kao posebnog odnošenja zemljišta;
- povećanje proizvodne sposobnosti poljoprivrednog zemljišta;
- povećanje nivoa poljoprivredne proizvodnje;
- stvaranje konkurentnijeg poljoprivrednog proizvođača;
- omogućavanje ekonomičnijeg pokretanja poljoprivredne proizvodnje;
- poboljšanje ekonomskih efekata za poljoprivredne proizvođače itd.

Realizacijom nabrojanih mjera doprinosimo strategiji gospodarenja poljoprivrednim zemljištem, odnosno unapređenju poljoprivredne proizvodnje na području Zeničko-dobojskog kantona.

PREGLED PLANA UTROŠKA NAMJENSKIH SREDSTAVA ZA 2016. godinu

R/B	Vrsta sredstava	Rok za realizaciju aktivnosti	Iznos planiranih sredstava u (KM)
1.	Namjenska sredstva		998.746,00
1.1.	Provođenje mjera zaštite, korištenja i uređenja poljoprivrednog zemljišta	Do kraja decembra 2016. godine	998.746,00
UKUPNO			998.746,00

U skladu sa Programom utroška sredstava za uređenje poljoprivrednog zemljišta u 2015.godini raspisan je javni poziv za prijavu fizičkih i pravnih lica za korištenje namjenskih sredstava za uređenje poljoprivrednog zemljišta. Programom za uređenje poljoprivrednog zemljišta u 2015.godini predviđena su sredstva u iznosu od 998.746,00 KM sa rokom realizacije do juna 2016. godine. Podnešeni zahtjevi u 2015. godini po Programu utroška sredstava za uređenje poljoprivrednog zemljišta u 2015. godini će biti obrađeni u skladu sa Programom utroška sredstava za uređenje poljoprivrednog zemljišta u 2016. godini u iznosu od 998.746,00 KM, a shodno Odluci o korištenju sredstava prikupljenih od naknada za promjenu namjene poljoprivrednog zemljišta („Službene novine Zeničko-dobojskog kantona“, broj: 05/15) kojom se reguliše korištenje sredstava za uređenje poljoprivrednog zemljišta.

IV. KRITERIJI ZA KORIŠTENJE SREDSTAVA ZA UREĐENJE POLJOPRIVREDNOG ZEMLJIŠTA

Po ovom Programu sredstva za uređenje zemljišta mogu se koristiti samo za uređenje poljoprivrednog zemljišta slabijeg kvaliteta kojem se povećava plodnost i proizvodni potencijal, kao uslov za povećanje poljoprivredne proizvodnje na području Zeničko-dobojskog kantona.

Pravo na korištenje sredstava po ovom Programu imaju pravna i fizička lica, vlasnici poljoprivrednog zemljišta sa područja ovog Kantona, koji ispune propisane kriterije iz Odluke o korištenju sredstava prikupljenih od naknada za promjenu namjene poljoprivrednog zemljišta i Uputstva o korištenju sredstava i ovog Programa.

Mjere uređenja poljoprivrednog zemljišta provode se na osnovu programa uređenja zemljišta i shodno članu 84. Zakona o poljoprivrednom zemljištu („*Službene novine Zeničko-dobojskog kantona*“, broj: 05/15) podnosioc zahtjeva program uređenja zemljišta dostavlja Federalnom ministarstvu poljoprivrede, vodoprivrede i šumarstva koje će nakon što utvrdi da su ispunjeni uvjeti iz citiranog Zakona izvjestiti kanton i izdati rješenje o odobravanju programa.

V. REALIZACIJA PROGRAMA

Program će se realizirati do kraja decembra 2016. godine.

Broj: 02-_____/16.
Datum, 29.03.2016. godine
Z e n i c a

**PREMIJER
PO OVLAŠTENJU**

Himzo Smajić

DOSTAVLJENO:

1x Ministarstvo za poljoprivredu, vodoprivredu i šumarstvo,
1x Ministarstvo finansija,
1x a/a.